



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.  
XII**

**Caesarius <Heisterbacensis>**

**Antverpiae, 1605**

De conuersione Abbatis Morimundi, qui mortuus fuit, & reuixit, cap. 32.

**urn:nbn:de:hbz:466:1-13177**

**A**NTR<sup>z</sup> hos annos vigintiquatuor, Abbas quidam Morimundis fuit, quem talis necessitas ad ordinem traxit: quæ de illo dicturus sum,  
Gehenne  
metus.  
 ex relatione domini Hermanni Abbatis loci sanctæ Mariæ cognoui, qui eundem Abbatem vidit, loquenter audiuit, atque gestus illius diligentius, ut pote qui mortuus fuerat, & reuixit, considerauit. Cum esset iuuenis cum cæteris scholaribus studebat Parisiis; qui cum esset duri ingenii, labilisque memoria, ita ut penè nihil posset capere vel retinere, ab omnibus irridebatur, ab omnibus idiota iudicabatur; vnde cepit turbari, multisque doloribus cor eius affligi. Contigit ut die quadam infirmaretur, & ecce Satan affuit, qui diceret ei: Vis mihi facere homagium, & ego tibi dabo scientiam omnium literarum? Audiens hæc iuuenis, expauit, & diabolo talia suggesti respondit: Redi post me Satanas, quia nunquam eris dominus meus, neque ego homo tuus; & cum ei nō acquiesceret, manum illius quasi violenter aperuit, lapidemque impennis dixit: Quamdiu cōclusum tenueris lapidē istum in manu tua, scies omnia. Recedente inimico, iuuenis surrexit, scholas intravit, quæstiones proposuit, omnesque disputando superauit. Mirati sunt omnes, vnde idiotæ tanta facundia, nouitas tam inusitata: ille vero negotium celatum habuit, nec alicui hominū causam tantæ scientiæ expōnere voluit. Non multo post infirmari cepit usque ad mortem, vocatus est sacerdos, qui eius audiret confessionem, cui etiam inter cætera cōfessus est, quomodo a diabolo recepisset lapidem, & cum lapide scientiam. Respōdit sacerdos: Projice misericordem diaboli, ne experts fias scientiæ Dei; territus ille, lapidem, quem adhuc manu tenebat, projectit, & cum lapide fallacem scientiam depositus. Quid plura? Defunctus est clericus, & corpus eius positum in Ecclesia, ordinatis circa feretrum scholaribus, qui more Christiano psalmos decantarent, Dæmones animam tollentes, & ad vallem profundam, terribilem, fumumque sulphurcum euaporantem, illam portantes, ordinabant

dinabant se ex vtraque parte vallis; & qui stabant ex  
vna parte, animam miseram ad similitudinem ludii pi-  
læ projiciebant; alii ex parte altera, per aërem volan-  
zem, manibus suscipiebant; quorum vngues ita erant  
acutissimi, vt acus exacutas, omneque acumen ferri  
incomparabiliter superarent: à quibus ita torqueba-  
tur, sicut possea dicebat, cùm eum iactarent vel exci-  
perent, vt illi tormento nullum genus tormentorum  
posset aquiparari. Misertus illius Dóminus, misit ne-  
scio quam cœlesti personam, virum magnè reueren-  
tiæ, qui dæmonibus tale inuiculum deferebat: Audite,  
præcepit vobis Dominus altissimus, vt animam à vo-  
bis deceptam dimittatis. Mox omnes inclinantes si-  
mul animam demiserunt, nec eam amplius tangere  
præsumperunt. Quæ reuersa ad corpus, membra ex-  
animata viuificauit, viuificata erexit, scholares circum-  
sidentes in fugam vertit; descendensque de feretro, di-  
cebat se viuere, & quid viderit, quidve audierit, magis  
opere quam sermone manifestauit. Nam statim con-  
uersus in ordine Cisterciensi, tam rigidus fuit sibi, tam  
durus castigator corporis sui, vt omnibus, qui eum vi-  
dere poterant, patenter daretur intelligi, quia pœ-  
nas senserit purgatorij, vel potius inferni. A P O L L O-  
N I V S : Expediri vellem, vtrum locū in quo tormen-  
tabatur, intra metas fuerit inferni siue purgatorii.  
CÆSARIVS: Si vallis illa pertinebat ad gehennam, cō-  
stat eius confessionem fuisse sine contritione, quod  
satis ex hoc probatur, eo quod maximè pœnam illam,  
teste cœlesti nuntio, sustinuit propter consensum re-  
fenti lapidis. A P O L L O N I V S : Nunquid dicendus est dæ-  
moni consensisse? CÆSARIVS: Non vt ei faceret ho-  
magium consensit, sed in tantum consensit; quod non  
statim lapidem de manu iactauit, sed ad usum scien-  
tiæ diligentissimè reseruauit; circa quem etiam tan-  
to afficiebatur amore, vt nec quidem in infirmitate  
deponeret, sed cum dolore ad imperium sacerdotis  
projiceret. Si eum dixero fuisse in purgatorio, suspe-  
cta est mihi absentia sanctorū angelorum, & presen-  
tia dæmoniorum, qui animam egressam suscipiebant,  
susceptam

fusceptam deducebant; deductam tam crudeliter extorquent. Dicebat magister Rudolphus Scholasticus Coloniensis, in cuius scholis & ego frequentius eram, quod dæmones animam electam de corporis ergastulo egredientem nunquam tangerent, sed beatitudini angeli ad loca purgatorii, si tamen digna esset purgatorio, deportarent: tali enim exèplo vrebatur; Non decet, ait, ut carbonarius purget aurum, sed aurifex. Postea verò propter meritum vitæ suscitatus, factus est Abbas in Morimunde, in una de quatuor primis domibus, vir sanctus & iustus. De quo cum interrogasset prædictum Hermannum Abbatem, si viderit illum aliquando ridentem, quia de resurgentibus dicitur, quod ridere non soleant. Respondit: Scias me hoc ipsum in illo considerasse, nec potui comprehendere in gestibus eius nutum quidem leuitatis, tantum erat grauitatis, tamē longanimitatis: nunquam illum vidi, ne quidem subridentem, neque verba leuitatis proferentem. APOLLONIVS: Miror si aliquid dixerit de forma & virtute animæ. CÆSARIVS: Etiam, afferebat animam suam fuisse tamquam vas vitreum & speculum, oculatum retro & antè, plurimum habuisse scientiam, vidisse vniuersa. Nam scholariibus circa feretrum sedentibus, quæcunque actitauerant manifestauit; Vos inquit tesseris lusistis, vos inuicem capillis traxistis, vos diligenter psallebatis. APOLLONIVS: Valde me lætificat, quod vir iste, qui corpore exutus tanta in pœnæ vidit, tanta audiuit, ceteris religiosis ordinibus omisis, ordinem nostrum intrare voluit. CÆSARIVS: Merito lætificare te debet, sed aliud tibi dicam, quod eandem tuam lætitiam geminet.

## CAPVT XXXIII.

**D**uo iuuenes, sicut didici lectione, non relatione, apud Toletum studebant in necromânia; accidit ut unus illorum usque ad mortem infirmaretur, qui cum moriturus esset, rogauit alter, ut infra viginti dies sibi appareret, & promisit, si tamē sibi concederetur. Sed ēt cōdūcā in Ecclesia corā imagine